


43 مین ایله قیدمت‌اینن لاب قدیمی موسیقی آلتی

محققلر بیر آلت تاپیلار کی 43 مین ایل قیدمت‌اینن دونیانن لاب قدیم موسیقی آلتی تاننیر.



محققلر بیر آلت تاپیلار کی 43 مین ایل قیدمت‌اینن دونیانن لاب قدیم موسیقی آلتی تاننیر.

مهر خیرگوزاریسی نین گوزاریشینه گۆره، قوش سوموگو و فیل دیشندن دوزلمیش بو فلوتلار آلمانین جنوبوندا بیر کۆهولدن تاپیلیلار. همین کۆهول کی اوروپانین حرفه و صنعتینه گۆره بیرینجی نیشانه‌لری اؤزونده ساخلاییر.

دانیشمندلر کربون طریقی اینن عۆمرو موشخص ائله‌ماق یولو اینن بیلیلر کی بو فلوتلارین 42-43 مین ایل قیدمتلری وار.

«تام هایام» باشلیغی اینن «آکسفورد» دانیشگاهیندان بیر تحقیق گروهی بیلیلر کی فلوت تاپیلان لایه‌ده کی حیوان سوموکلری نین تاریخی فلوتلارینان بیردیر.

«توبینگن» دانیشگاهیندان اولان «نیک کونارد» کی قازینتی زامانی و آلمان فلوتلاری نین تاپیلان زامانی حاضیردی، دندی: بو نتیجه‌لر بیزیم نچه ایل قاباق مطرح ائله‌دیغیمیز فرضیه‌نی مؤحکم‌له‌دیر. بیز اینانیریق کی دانوب چایی 40-45 مین ایل قاباق اوروپا مرکزینده اینسانی حرکتلر و تکنولوژی یئنیلقلار اوچون موهوم بیر مقصددیر.

«گایسن کلوسترله» کۆهولو منطقه‌ده کی نچه کۆهولون بیردیر کی ایندیجه‌ن اوندان اینسانی بزرگ اشیا لاری، رمزلی تصویر و تمثیلی هونرلر و موسیقی آلتلری تاپیلیر.

ایش‌بیلنلر اینانیرلار کی بو موسیقی آلتلری دینی مراسیملرده چالینارمیش.

محققلرین بیر عیدّه‌سی بئله ایستیدال اندیرلر کی موسیقی اینسانلارین او جمعی رفتارلاریندانیر کی اونلار کۆمک اندیب کۆهولده یاشاماقدان قورتولالار، بیر یاشاییش کی 30 مین ایل قاباق اوروپانین چوخ قیسمت‌لرینده آرادان گئدیپ.

محققلر بوندان قاباق موقّ اولموشدولار 35 مین ایل قاباقا مربوط اولان بیر قدیمی فلوتون بوتون اجزاسینی، آلمانین جنوب غربینده "هول فلس" کۆهولوندن تاپسینلار، کی تاپیلاندان سونرا اونو لاب قدیمی موسیقی آلتی بیلدیردیلر.

هابئله اوندان قاباق بیر آیری فلوت تاپمیشدیلار کی اونون قیدمتی 34 مین ایل ایدی. آلمانلی باستان‌شیناسلاری ددیگینه گۆره، بو تازا فلوتون تاپیلماسی نین چوخ اهمیتی وار مخصوصاً دوزلدیغی مادّه‌یه گۆره، چونکی اونون دوزلتماغیندا بوروشوق تکنولوژی ایشله‌نیب و مهارتلی اله احتیاجی واریدی.

محققلر دئییرلر کی «گایسن کلوسترله» کۆهولوندن تاپیلان بو نمونه‌لرین تاریخی گۆرسه‌دیر کی مودرن اینسانلار بوزلاق دؤوروندن قاباق تقریباً 39-40 مین ایل قاباق دانوب چایی نین شومال بؤلومونه وارید اولوبلار.

لینک مطلب در سایت : <http://torki.tebyan-tabriz.ir/?MID=21&Type=News&id=323>